



Broj: 04-GV-04-239/23  
Sarajevo, 08.02.2023. godine

*ZAPISNIK O RADU*  
*17. SJEDNICE ODBORA ZA LOKALNI BIZNIS I TURIZAM*  
*održane 08.02.2023. godine*

Prisutni:

1. Nermin Džino, predsjedavajući
2. Irmin Pita, član,
3. Faris Šehović, član
4. Almir Softić, član
5. Jasmin Skorupan, člana
6. Amina Šuman-Brkić, članica

Odsutni: Senka Tahmaz, zamjenica predsjedavajućeg

Sjednici iz Gradske službe za Gradsko vijeće prisustvuju:

- Mirjana Đanović Stanić, rukovodilac Stručne službe za poslove Gradskog vijeća Grada Sarajeva

Sjednici prisustvuje:

- Sabina Hadžiahmetović, ispred Stručne službe za poslove kabineta i Gradske uprave

Predsjedavajući Odbora je u 11.09 sati otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 16. sjednice Odbora za lokalni biznis i turizam Gradskog vijeća Grada Sarajeva održane 16.01.2023. godine.

Na prijedlog Predsjedavajućeg Odbora, jednoglasno je usvojen sljedeći **dnevni red**:

1. Prijedlog plana rada Grada Sarajeva za 2023. godinu
2. Tekuća pitanja

**TAČKA 1.**

1. Prijedlog plana rada Grada Sarajeva za 2023. godinu

Nakon uvodnog izlaganja i diskusije, te sažetka Predsjedavajućeg, Odbor za lokalni biznis i turizam je jednoglasno usvojio sljedeći **zaključak**:

Odbor za lokalni biznis i turizam sugeriše Gradskom vijeću Grada Sarajeva da razmatra Plan rada Grada Sarajeva za 2023. godinu kako je i predložen.



## *TAČKA 2.*

### *Tekuća pitanja*

1. Poslije rasprave i sažetka predsjedavajućeg, Odbor za lokalni biznis i turizam jednoglasno je usvojio sljedeću inicijativu:

Odbor upućuje inicijativu da Grad Sarajevo razmotri mogućnost da se obnove „Sarajevske ruže“ jer su u lošem stanju, a na određenim mjestima su uklonjene pri rekonstrukciji gradskog partera. Također potrebno je da se osmisli projekt kojim će se omogućiti da se putem QR koda, koji bi bio postavljen uz svaku „Sarajevsku ružu“, pristupi podacima o činjenicama vezanim za nastajanje te ruže koji će sadržavati i registar Sarajevskih ruža u GIS-u.

Odbor traži od Gradskog vijeća da podrži ovu inicijativu kako bi postala inicijativa Gradskog vijeća.

2. Poslije rasprave i sažetka predsjedavajućeg, Odbor za lokalni biznis i turizam jednoglasno je usvojio sljedeću inicijativu:

Odbor upućuje inicijativu da Grad Sarajevo, u suradnji sa nadležnim organima, poduzme potrebne mjere i aktivnosti da se na odgovarajući način uredi i označi parkiralište na Trebeviću uz hotel Pino Natur, kao i šetalište koje vodi prema žičari, budući da je trenutno stanje vrlo loše. Ovo je potrebno uraditi radi poboljšanja kvalitete života naših sugrađana, ali jednako i sa ciljem obogaćivanja turističke ponude Grada Sarajeva.

3. Poslije rasprave i sažetka predsjedavajućeg, Odbor za lokalni biznis i turizam jednoglasno je usvojio sljedeću inicijativu:

Odbor upućuje inicijativu Gradu Sarajevu da pokrene inicijativu prema nadležnim organima da se na odgovarajući način pokuša eliminirati trošak koji poslodavci imaju plaćajući naknade poslovnim bankama pri transakcijama koje se odnose na plaćanje obaveza iz poreza i doprinosa, te drugih obaveznih naknada, možda tako da se ugovori vršenje ovih transakcija kod banaka bez naknade ili na drugi odgovarajući način.

*PREDSJEDAVALJUĆI ODBORA*

*Nermin Džino*

Predsjedavajući Odbora je u 11.30 sati zaključio rad 17. sjednice Odbora za lokalni biznis i turizam Gradskog vijeća Grada Sarajeva.